

ՍՓՅՈՒՌԱՆՈՒԹՅԱՆ ԿՅԱՆՔ ԺԻՅՆԻ ԶԱՐԱԲԵՋՆԻՔԻ ԱՐՄԻԱ

ՄԵԾԱԿՈՒԹՅԱՆ ԵՎ ՀԱՍԱՐԱԿԱԿԱՆ ԿՅԱՆՔԸ ՍՓՅՈՒՌԱՆՈՒԹՅԱՆ

(1968 թ. հուլիս-դեկտեմբեր)

ԲՈՒՆԳԱՐԻԱ

Պլովդիվի հայ մշակույթի տանը հուլիսի 3-ին հանդիսավոր երեկույթ է կազմակերպվել՝ նվիրված հայ գրերի գյուտին:

Ռումինացի գիտնական Ն. Յորգան իր ելույթում, ի միջի այլոց, նշել է. «Որքան հաճելի է, երբ հայ ժողովուրդը կմտածե տոնել ոչ թե իր մղած պատերազմները, կամ նշել իր կրած տառապանքները, այլ կտոնե իր հողեկան նվաճումները»:

«Երևան», 11 հուլիսի

Վառնայի գեղարվեստական գործունեության տան հանդիսասրահում տեղի է ունեցել բուլղարահայ «Երևան» մշակութային միության Պլովդիվի մասնաճյուղի «Արամ Խաչատրյան» էրզախմբի համերգը Հ. Տամաճյանի ղեկավարությամբ: Կատարվել են եվրոպական և հայկական երաժշտության ընտիր հատվածներ:

«Արարատ», 17 հուլիսի

Հոկտեմբերի 13-ին Վառնայում և Ռուսեում հանդիսավորությամբ տոնվել է Երևանի հիմնադրման 2750-ամյակը:

«Երևանի» սրահում կազմակերպվել է պատմական նկարների ցուցահանդես՝ նվիրված էրեբունի-Երևանին:

«Երևան», 25 հոկտեմբերի,
1 նոյեմբերի

Նոյեմբերի 1-ին Սոֆիայում՝ «Երևան» ակումբում, նշվել է Երևանի հիմնադրման 2750-ամյակը: Երեկոյին նախագահել է Կ. Գուրպանյանը, Երևանի պատմությանն է եղել նվիրված Ս. Հալաճյանի ելույթը:

Տրվել է ճոխ համերգ:

«Երևան», 8 նոյեմբերի

Հոկտեմբերի 25-ին և 28-ին Բաղարշիկուհի և Խասթովոյում տեղի են ունեցել Երևանի 2750-ամյակին նվիրված տոնակատարություններ:

«Երևան», 8 նոյեմբերի

ՀՈՒՆԳԱՐԻԱ

Արդեն մի տարի է, որ հունգարա-սովետական բարեկամության ընկերությունում ստեղծվել է հունգարահայերի ակումբը:

Հունգարիայում այժմ ապրում են հայկական ծագում ունեցող մի քանի հազար ընտանիքներ, որոնցից 400-ը՝ Բուդապեշտում:

Նորաստեղծ ակումբը, որը միավորում է հունգարահայերին, նպատակ ունի նրանց հաղորդակից դարձնել մայր հայրենիքին. երիտասարդներին սովորեցնել մայրենի լեզուն: Ակումբն իր անդամներին մատակարարում է գրքեր, թերթեր, ամսագրեր: Արդեն 30 ընտանիքներ խոսում են հայերեն: Կապեր են հաստատվում հայ ականավոր արվեստագետների, գիտնականների, գրողների հետ: Բուդապեշտի զանազան մասերում ակումբը կազմակերպում է Հայաստանի անցյալին ու ներկային, մշակույթին, ժողովրդական սովորույթներին նվիրված դասախոսություններ:

«Աշխարհ», 27 նոյեմբերի

Պեշտի համալսարանը արևելագիտության հետ միասին զբաղվում է նաև հայագիտությամբ:

Հայագիտությունը Հունգարիայում մեծ տվանդույթ ունի: Դեռևս անցյալ դարում լույս էին ընծայվել հայագիտական գրքեր և Արմենիա՝ անունով ամսաթերթ: 60 տարի առաջ պրոֆ. Լուկաս Պատրուբանյանը Պեշտի համալսարանում 6 տարի շարունակ դասավանդել է հայոց լեզու: Այժմ հայագիտական աշխատանքները կենտրոնացած են Պեշտի համալսարանի

փիլիսոփայական բաժնի կովկասագիտության ճյուղում: Հայագիտության զարգացմանը նպաստում են հատկապես Հունգարիայի ակադեմիայի փոխնախագահ և արևելագիտական հանձնաժողովի նախագահ ակադ. Լ. Լիգիտը և պրոֆ. Կ. Յեզեկը:

Պատմությանը, լեզվաբանությանը նվիրված աշխատանքների հետ մեկտեղ հրատարակվում են թարգմանություններ հայ գրականությունից: Թարգմանվել են «Հայկական հեքիաթները», Պարույր Սևակի բանաստեղծությունների ժողովածուն՝ Պալ Սալմաշիի կողմից: Նախատեսվում է հրատարակել հայկական բանաստեղծությունների հատընտիրը:

«Ջարթոնք», 4, 5 դեկտեմբերի

ՀԱՅԿԱԿԱՆ ԱՇԽԱՏԱՆԻՔ

Բելգրադից հետո հայկական աշքի ընկնող զաղութ է Սկոպլեի զաղութը, որտեղ ապրում են 42 հայ ընտանիքներ:

1947 թ. Սկոպլեի հայերից Հարություն Սյուրմելյանը մակեդոնացի արվեստագետների և Հարավսլավիայի արվեստի և մշակույթի մինիստրության օժանդակությամբ հիմնում է Սկոպլեի օպերային թատրոնը, որտեղ ինքը լինելով առաջին մենակատարը, բաղմամբիվ ելույթներ է ունենում: Նրա երկու զավակներից ավագը՝ Ղազարոս Սյուրմելյանը, որը համարվում է փայլուն ապագա ունեցող բալետի մենակատար, մեծ հաջողությամբ ելույթներ է ունենում Կանադայի, Միացյալ Նահանգների, Մեքսիկայի քաղաքներում:

«Ջահակիր», 21 նոյեմբերի

ՍԻՐԻԱ

Դամասկոսի Հ. Բ. Բ. միության Հ. Ե. ընկերակցությունը նոյեմբերի 3-ին կազմակերպել է հանդիսավոր երեկո՝ նվիրված Երևանի հիմնադրման 2750-ամյակին:

«Ջարթոնք», 15 նոյեմբերի

ԱՄՆ

Կալիֆոռնիայի տեսնող ֆրանսերեն «Իմաժ» շաբաթաթերթը նոյեմբերի սկզբի իր համարներից մեկում երկու էջ է նվիրել Երևանի 2750-ամյակին: Ամփոփ տրված են Երևանի պատմական անցյալն ու ներկան և մի շարք նկարներ Երևանի տեսարժան վայրերից:

«Արև», 4 նոյեմբերի

* * *

Կալիֆոռնիայի հայկական ընթերցասրահում նոյեմբերի 22-ին նշվել է Երևանի 2750-ամյակը: Այս հանդիսությունը կազմակերպվել է արար հասարակայնության համար:

Հանդեսի նախագահ Նուպար Պալայանը արարերեն լեզվով արտասանել է բացման խոսք և ողջունել արար հասարակայնության ներկայացուցիչներին: Զեկուցումով հանդես է եկել արարագետ Արամ Մովսիսյանը, որը հանգամանալից ներկայացրել է հայ ժողովրդի պատմական անցյալն ու ներկան և Երևանի հիմնադրման պատմությունը: Այնուհետև ելույթ է ունեցել ԱՄՆ-ի երիտասարդության նախարարության ներկայացուցիչը:

«Ջահակիր», 28 նոյեմբերի

ԼԻԲԱՆԱՆ

Լիբանանցի թարգմանիչ Նիզուա Թաուիլը շնորհակալ գործ է կատարում՝ արար ընթերցողներին ծանոթացնելով հայ գրականությանը: Նա բեյրութի «էլ էտեա» թերթում հրատարակել է Հովհաննես Թումանյանի «Նեսույի քարաքաղ-նիսը» պատմվածքի թարգմանությունը:

Հովհ. Թումանյանի ծննդյան 100-ամյակի առթիվ նա սկսել է թարգմանել «Դիքորը»:

«Արարատ», 16 հուլիսի

* * *

Լիբանանահայ նշանավոր երգչուհի Լուիլա Պողոսյանը արժանացել է Բրյուսելի միջազգային մրցանակաբաշխության «Պատվո մրցանակին» և ոսկե մեդալին, ինչպես նաև Վերդիի ծննդավայր Պուսթթոյում՝ «Վերդիական երգիչների» միջազգային մրցանակաբաշխության առաջին մրցանակին:

«Ջահակիր», 19 սեպտեմբերի

* * *

Բեյրութի հայ երիտասարդաց ընկերակցությունը հայկական առաջին օպերայի ստեղծման հարյուրամյակի առթիվ «Կազինո դյու Լիբան» թատերասրահում առաջին անգամ ներկայացրել է Տիգրան Զուխաջյանի «Զվարթ» օպերետը:

«Սևան», 16 հոկտեմբերի

* * *

Բեյրութում համերգներ է տվել Բուխարեստի օպերայի հռչակավոր տենոր Կարրիս Զորյանը:

«Աշխարհ», 19 հոկտեմբերի

* * *

Բեյրութի Պուրճ Համուտի Մասիս մարմնամարզական միությունը հոկտեմբերի 20-ին հանդիսավոր ձևով նշել է Երևանի հիմնադրման 2750-ամյակը:

«Արարատ», 30 հոկտեմբերի

Հոկտեմբերի 28-ին «Կալրրի Լ'ամաթեորի» ղուցասրահում բացվել է լիբանանահայ տաղանդավոր գեղանկարիչ Լևոնտուր Պզտիկյանի նկարների ցուցահանդեսը, որին ներկա են եղել մեծ թվով հայ, արաբ և օտար արվեստագետներ:

«Զարթոնք», 1 նոյեմբերի

Բեյրութում հոկտեմբերի 27-ից սկսվել է ժրհանի 2750-ամյակին նվիրված հանդիսավոր նիստերի շարքը: Վերջին նիստը տեղի է ունեցել դեկտեմբերի 26-ին, որ կազմակերպել էր Թեքեյան մշակութային միությունը: Իկյ օրը ելույթ են ունեցել Ե. Պապայանը, Դ. Խրոպյանը, Գերսամ Ահարոնյանը և արաբ բանաստեղծ Սահյ Աբլը:

«Հառաջ», 3 նոյեմբերի,
«Զարթոնք», 1 հունվարի

Բեյրութում լույս է տեսել Մեվլան Զադե Բիֆատի «Ոսմանյան հեղափոխության մութ ծալքերը» աշխատության նոր հրատարակությունը՝ Մեծ եղեռնի 53-րդ տարեդարձի առթիվ:

«Երիտասարդ Հայաստան», 8 նոյեմբերի

Բեյրութի Հայկազյան կոլեջի հայագիտական ամբիոնը հիմնականում պրազվում է հայագիտության զարգացման և տարածման գործով:

Կոլեջը անցյալ տարիներին կազմակերպել է մի շարք դասախոսություններ՝ նվիրված հայ լեզվի պատմության և գրականության հարցերին:

«Արարատ», 1 նոյեմբերի

Ի Ր Ա Ն

Հ. Շիրազի «Բիրլիական» պոեմի պարսկերեն թարգմանությունը (թարգմանիչ Լևեթ Խաշատրյան) տպագրվել է Թեհրանի «Խուշե» («Հասկ») ամսադրում:

Բանաստեղծ, քննադատ Լեւմադ Շամլուն, «Խուշեի» ընթերցողներին ներկայացնելով «Բիրլիականը», գրում է, որ դա «հայ ժողովրդի հոգու ճիշն է, ժողովուրդ, որ տարիներ շարունակ անարդարացի տառապել է զադիր ու հանցազոր օտարների ճիրաններում, ճիշն է մի ժողովրդի, որը 1600 տարի առաջ ստեղծած և ցայսօր հարատևած իր դրով ստեղծել է գիրը, գրականություն, բարձր մշակույթ»:

«Սովետական Հայաստան», 17 նոյեմբերի,
«Ջահակիր», 12 սեպտեմբերի

Հ Ն Դ Կ Ա Ս Ա Ն

Կալկաթայում բացված է Սովետական Հայաստանի մայրաքաղաք Երեանի հիմնադրման 2750-ամյակին նվիրված լուսանկարների ցուցահանդես:

«Սովետական Հայաստան», 24 դեկտեմբերի

Հ Ո Ւ Ն Ա Ս Ա Ն

Նոյեմբերի 23-ից սկսած Հունաստանի Նիկիա քաղաքում սկսել է հրատարակվել «Նոր աշխարհ» անունով ազգային-քաղաքական շաբաթաթերթ:

«Աշխարհ», 11 դեկտեմբերի

Թ Ո Ւ Ր Ք Ի Ա

Կ. Պոլսի կենտրոնական Սանուց միութլառ, երաժշտական հանձնախումբը կազմակերպել է անվանի երաժշտագետ Լևոն Պատմաբոյառի դասախոսությունները հայկական արվեստի, մասին:

«Աշխարհ», 9, 23 հոկտեմբերի

Կ. Պոլսում մահացել է Թոփգափուի Լեոն-Վարդուհյան վարժարանի 35-ամյա տնօրեն, կրթության վաստակավոր մշակ Պողոս Յաճիյանը:

«Աշխարհ», 9 հոկտեմբերի

Յ Ր Ա Ն Ս Ի Ա

Հայոց լեզու սովորել ցանկացողների համար Մարսելի հայկական եկեղեցին կազմակերպել է հայերենի դասընթացներ:

Լեւմեն չորեքշաբթի և ուրբաթ օրերը ուսուցչուհի տիկ. Թագուհի Պատվականյանը դասավանդում է հայոց լեզու և պատմություն:

«Աշխարհ», 17 սեպտեմբերի

Ժան Կազալբուն «Եթե ինչ պատմած լինեին Հայաստանի մասին» վերնագրով հրատարակել է հայկական հեքիաթների և պատմվածքների ժողովածու:

«Յումանիտեի» 1968 թ. հոկտեմբերի 10-ի համարում այս ժողովածուի մասին Պիեռ Գամառան մասնավորապես գրել է. «Քաղալպուի այս հավաքածուին մեջ ուրեմն պիտի գտնենք ու վերագտնենք հայոց երկրին և հայ ժողովուրդին, անոր տառապանքներուն, անգսպելի շարաճճություն, անոր քաջության, ինչպես և բանաստեղծության»:

տեղծության համար ունեցած սիրուն այլազան երեսները, Բայց այստեղ կա նաև շեշտ մը, որ իրն է միայն, պատմելու ձև մը, որ միանգամայն ճշգրիտ և ծաղկյալ է»:

«Աշխարհ», 19 հոկտեմբերի

* * *

Փարիզի «Կալըրի Սեն Սյուլպիսում» բացվել է նկարիչ Տեր-Մարգարյանի նկարների ցուցահանդեսը, որտեղ ցուցադրված են 30 նկարներ, հիմնականում նատյուրմորտ:

«Աշխարհ», 16 նոյեմբերի

* * *

«Կալըրի գը Սերում» տեղի է ունեցել պաշտոնական ընդունելություն հանրահայտ նկարիչ Զարեհ Մութաֆյանին Փարիզ քաղաքի ամենից քարձր պատվանշանով՝ «Լա գրանդ մեդալ» դը Վերմեյլ»-ով պարգևատրելու կապակցությամբ:

Ֆրանսիական մամուլը մեծ գովասանքով է խոսում Զ. Մութաֆյանի արվեստի մասին: «Նուվո ժուռնալ»-ը իր նոյեմբերի 8-ի համարում մասնավորապես գրում է. «Մութաֆյան, որուն շնորհունեցավ մեծ մետալը Փարիզ քաղաքին, կը ներկայացնե մեզի ոգեկոչումը Հայաստանի բնակարաններուն, ձյունածածկ լեռներուն և միջնադարյան եկեղեցիներուն, որոնք նկարուած են հրայրքով, հրապույրով և երանգային հրաշալի քնարականությամբ առիւ: Ոչ մեկը, մինչև հիմա, Հայաստանի շուրջ այնքան սեր ու հետաքրքրություն ստեղծեց Փարիզի մեջ, որքան այս պատուական նկարիչը, հայ նկարիչներու ամենեն հայր: Երախտապարտ ենք իրեն»:

«Աշխարհ», 16 նոյեմբերի

* * *

Երևանի 2750-ամյակի տոնակատարությունը մեծ արձագանք է գտել ֆրանսիական մամուլում: Հոգվածներ են տպագրել «Յումանիտեն», «Ֆիգարոն»: «Լը Դոֆինե Լիբեռն» թերթի աշխատակից Պոլ Դրեյֆինսը, որ Հայաստան էր մեկնել տոնակատարություններին մասնակցելու համար, պատկերազարդ հոգվածաշար է տպագրել թերթի հինգ համարներում՝ նվիրված Հայաստանին:

«Աշխարհ», 7 դեկտեմբերի

* * *

Փարիզի ուսանողների «Մարի-Նուպար» հայկական տանը դեկտեմբերին տեղի է ունեցել ուսանողների կողմից կազմակերպված հանդիսություն՝ նվիրված Երևանի հիմնադրման 2750-ամյակին:

Երեկոյթին իրենց տպավորություններով Երևանի մասին խոսեցին Ֆրեդերիկ Ֆելդին, «Աշխարհի» խմբագիր Ա. Ալիքսանյանը և բանաստեղծ Թուրեն Մելիքը:

«Աշխարհ», 25 դեկտեմբերի

Ի Տ Ա Լ Ի Ա

Միլանի Պերա պատկերասրահում հոկտեմբերի 27-ին բացվել է հայ միջնադարյան ճարտարապետությանը նվիրված ցուցահանդես, որի համար նյութ է ծառայել Հայաստան ժամանած իտալացի ճարտարապետներ Ալբակո Նովելլոյի, Հարություն Գաղանճյանի և Արմեն Մանուկյանի հայ միջնադարյան ճարտարապետական հուշարձանների լուսանկարների ճոխ հավաքածուն:

«Յառաջ», 10 նոյեմբերի

* * *

Հոռմի ազգային Սանտա Զեչիլիա ակադեմիայի կողմից նոյեմբերի 16-ին կազմակերպվել է հանրահռչակ մեցո-սոպրանո Քեթի Պերպելյանի համերգի երեկո ակադեմիայի սրահում, որտեղ բախտ է վիճակվում ելույթ ունենալու միմիայն անվանի երաժիշտներին:

Պերպելյանի երգացանկը շատ բազմազան է, հայկական, իսպանական, պարսկական և այլ ժողովրդական երգերի հետ մեկտեղ նա երգում է դասական երաժշտությունից և համարվում է արդի երաժշտության լավագույն մեկնաբանը: Նա մասնակցել է բազմաթիվ փառատոների, երգում է քսան լեզուներով և բոլոր համերգներին անպայմանորեն կատարում է հայերեն երգեր:

«Զարթոնք», 14 դեկտեմբերի

* * *

Միլանի «Կաղա էդիտրիչե Զեչինա» հրատարակչությունը հրատարակել է Զարենցի բանաստեղծությունների իտալերեն թարգմանված ժողովածուն: Առաջարանում շարադրված են բանաստեղծի կյանքն ու ստեղծագործական ուղին:

Ժողովածուն, որը հրատարակվել է «Բոլոր ժամանակների մեծ բանաստեղծները» մատենաշարով, ընդգրկում է Զարենցի 28 բանաստեղծությունները Մարիո Վերդոնեի թարգմանությամբ:

«Գրական թերթ», 3 հունվարի 1969,

«Հայրենիքի ձայն», 1 հունվարի 1969

Շ Վ Ե Յ Ց Ա Ր Ի Ա

Ոգոստոսի 4-ից 8-ը տեղի ունեցավ գերմանախոս երկրների հայ գաղութների ներկայա-

ցուցիչների խորհրդակցական համագումար Շվեյցարիայի Կվաթ դյուդաքաղաքում:

Համագումարն ընտրել է իր ժամաստաստոր գործադիր կենտրոնը, որը կոչվում է «Գերմանախոս երկրների հայ գաղութների գործադիր կենտրոն»: Գործադիր կենտրոնի նպատակն է դերմանախոս ժողովուրդներին ծանոթացնել հայկական հարցի հետ, տարածել «Գի Շտիմմե Արմենիենս» թերթը, դարկ տալ հայկական հարցը շոշափող գրքերի հրատարակմանը և այլն:

Խորհրդակցական համագումարը հանձնարարել է իր գործադիր կենտրոնին՝ կառուցատեսի Եվրոպայի բոլոր հայ գաղութների հետ եպատրաստվել համաեվրոպական համագումարի հրամիրմանը:

«Պայքար», 9 հոկտեմբերի

Ա. Ն. Գ. Լ. Ի. Ա.

Հետև Ջավեն Սյուրմելյանը անգլերեն հրատարակել է հայ ժողովրդական հեքիաթների հատրնտիրը՝ «Անմահական խնձոր» խորագրով, որը միաժամանակ լույս է տեսել Լոնդոնում և Լոս-Անջելոսում «Օրինակելի աշխատանքների հավաքածու» մատենաշարով:

Հատորը պարունակում է 40 հեքիաթներ: Թարգմանությունների համար որպես բնագիր Սյուրմելյանը վերցրել է Հայաստանի ակադեմիայի կողմից հրատարակած «Հայ ժողովրդական հեքիաթներ» բազմահատորյակը, ընտրելով ավելի բնորոշ տարբերակները:

Սյուրմելյանը ժողովածուին կցել է ընդարձակ ներածական, իսկ վերջում մանրամասն ծանոթագրություն՝ իր օգտագործած հեքիաթների սկզբնաղբյուրների, հիշատակած անունների և այլնի վերաբերյալ:

«Ջահակիր», 28 նոյեմբերի

* * *

Լոնդոնի ազգային և եկեղեցական խորհրդի վարչության նախաձեռնությամբ ղեկտեմբերի 29-ին Լոնդոնում տոնվել է Երևանի հիմնադրման 2750-ամյակը: Հանդեսը վարել է Լոնդոնի համալսարանի Կովկասյան ուսմանց վարիչ պրոֆ. Լասկը: Ելույթ են ունեցել հայ գիտնական, պրոֆ. Մկրտիչ Շահինը, Բրիտանական թանգարանի վարիչներից ակադեմիկոս Պանեթր, պպ. Հայկ Գալուստյանը, Ասատուր Կյուղելյանը, Հարություն Այվազյանը և օր. Լուիզ Վարդուկյանը:

«Աշխարհ», 11 հունվարի

Գ. Ֆ. Հ.

Արևմտյան Գերմանիայում հայերի թիվը հազիվ հասնում է հազարի: Բեռլինում հայկա-

կան համայնքը ստեղծվել է 1920 թ.: Համայնքի կազմակերպություններից մեկն էր «Հաջվարժարանական միությունը», որի ակնառու ղեմքն էր Կոմիտաս վարդապետը:

Ներկայումս 100—150 հայեր ապրում են Բեռլինում, 200—300՝ Համբուրգում, 150—200՝ Մյունխենում և մի փոքր մաս՝ Շտուտգարդում: Բեռլինում գործում է մասնավորապես «Հաջերիտասարդական միությունը»:

«Աշխարհ», 9 նոյեմբերի

Ա. Մ. Ն.

Լոս-Անջելոսի Հայ թատերական միությունը սեպտեմբերի 14-ին ներկայացրել է «Զարչրուր Արթին Աղա» թատերգությունը Շավարշ Մանուկյանի բեմադրությամբ:

«Նոր օր», 13 սեպտեմբերի

* * *

Շվեյցարացի հայագետ պրոֆ. Ռոբեր-Կոտելը Կալիֆորնիայի համալսարանի Կոլմիդ-հրավիրված է երկու ամսով դասախոսություններ, կարդալու հայոց լեզվի պատմության մասին:

Պրոֆեսորը 65 տարեկան է, Ժնևի համալսարանում դասավանդում է լատիներեն գրականություն և ընդհանուր լեզվաբանություն:

«Աշխարհ», 17 սեպտեմբերի

* * *

Նյու-Յորքի Բարեգործականի սրահում հսկատեմբերի 1-ին բացվել է եգիպտահայ նկարիչ Ս. Սամսոնյանի նկարների ցուցահանդեսը: Որի բացմանը ներկա են եղել բազմաթիվ արվեստագետներ:

«Արարատ», 29 հոկտեմբերի

* * *

Հոկտեմբերի 11-ին Հ. Բ. Ը. միության Նյու Ինգլենդի կենտրոնում տեղի է ունեցել Հայ մշակույթին նվիրված ասմունքի երեկու: Արտա-րանվել են Սիամանթոյի, Գանիել Վարուժանի և Վահան Թեքեյանի բանաստեղծությունները:

«Աշխարհ», 20 նոյեմբերի

Կ. Ա. Ն. Ա. Դ. Ա.

Մոնրեալի հայկական գաղութը նոյեմբերին և ղեկտեմբերին տոնել է Երևանի հիմնադրության 2750-ամյակը: Տոնակատարությունը նախաձեռնել է Թեքեյան մշակույթի միությունը:

«Պայքար», 14 նոյեմբերի

Տորոնտոյի հայ զաղութը նոյեմբերի 30-ին մեծ հանդիսավորությամբ կատարել է նորաստեղծ Թերեյան մշակութային միության բացումը:

«Զարթոնք», 7 դեկտեմբերի

Ա Ր Գ Ե Ն Տ Ի Ն Ա

Բուենոս-Այրեսի սրահներից մեկում բացվել է Հարավային Ամերիկայի հայ նկարիչների առաջին ցուցահանդեսը, որին մասնակցել են 20 նկարիչներ:

Հայ նկարիչների զործերը մեծ զնահատանքի են արժանացել արվեստասեր հասարակայնության կողմից:

«Ջահակիր», 22 օգոստոսի

* * *

Բուենոս-Այրեսում տունվել է Երևանի հիմնադրման 2750-ամյակը:

«Սևան», 11 դեկտեմբերի

Ն. ՎԱՐԴԱՆՅԱՆ